



Bunita buki cu storia pa mucha di Sr. Henry Dabian



ORANJESTAD (AAN):

--- Durante un ceremonia teni den e edificio di Bon Nochi Drumi Dushi Sr. Henry Dabian a presenta su prome buki cu ta storianan dedica na tur mucha. E storianan, cual ta un fantasia cu Sr. Dabian tabata warda mas cu 10 aña den lachi, awor ela dicidi di sake for di e lachi pa asina haci esaki un realidad.

E buki ta relata e storia di nacimiento di e prome yiu di Henry. Tur dia Henry tabata pone e yiu un rato den patio. Riba un dia, cu awa tabata yobe, el a bin paden cu e baby y a pone cu su coi hunga nan.

E fantasia aki tabata pasa constantemente den mente di Henry.

Sra Olga Buckley a controla e Papiamento, Sr. Elvis Tromp a ilustra e buki y Sra. Irene Peterson a percura pa lay out esaki. Unoca a yuda sin pensa dos biaha cu e tremendo buki Ryjean y e mago Sacabum. E buki a wordo presenta cu un bunita comedia basa riba su contenido.

DIARIO ta desea Sr. Henry Dabian hopi exito cu su produccion y tambe hopi exito cu su skirbimento di storianan pa nos mucha nan.